



**Орган Лемковского Союза**

**Пренумерата в краю:**  
 30 грошей місячно,  
 80 „ квартално,  
 1.50 „ полрочно,  
 3 зл. рочно.  
 В Америці: 1 дол. рочно.  
 В Чехословакии:  
 2 кор. місячно, 10 кор. полрочно,  
 20 кор. рочно.  
 Ціны оголошень:  
 Ціла сторона 120 зл., 1/2 сто-  
 рони 60 зл., 1/4 сторони 35 зл.,  
 1/8 стор. 20 зл., 1/16 стор. 10 зл.;  
 оголошення малы за 1 мм. 20 гр.,  
 в тексті 30 гр., перед текстом  
 40 гр. При місячном и дошом  
 оголошеню значна знижка.  
 Контю чекове Нр. 404.155.

Выходит в каждый четверг.

Редакция и администрация в Крыниці. — Адрес „Лемко“ Крыница.

**ЧАС ПОДУМАТИ О СОБІ.**

Всі народы жиют тепер под знаком стрем-  
 ления до загальної консолидації, до злученя  
 всіх своих усилий в цілі осягнення лучшего  
 материяльного положеня.

Сут однак у нас в тих стремлениях и уси-  
 лиях часто великы недостатки. Сут ище лю-  
 ды, особливо на селі, котры не доціняють вар-  
 тости сильной организации и не дають ся до  
 организационной работы втягнути. Єст много  
 ище таких, котры, бесідуючи ци то о читаль-  
 ні им. М. Качковского, ци о кооперативі, ужи-  
 вають слов: „вы читальнякы, вы кооператив-  
 никы”, што доказує, же тоту читальню и коо-  
 ператив уважають за штоси чуже, за штоси не-  
 свое, а може часом аж и за штоси непотреб-  
 не и шкодливе. Часто трафят ся и таке, же в  
 одном селі панує дивне розбитє культурно-  
 просвітной работы помеже пару организации,  
 котры нераз не робят нич, лем нарікають вза-  
 имно на себе.

Ци таке положенє може дати добры ре-  
 зультаты? Рішительно ні!

Покаль не перестанеме ділити ся на „на-  
 ше и ваше” и не возьмемо ся до организова-  
 ния сел в рядах читальнь им. М. Качковского  
 и кооперативов, так долго ніт бесіды о якої-  
 си успішной работі на поли поднесеня куль-  
 турного и економичного уровня. Найвысший  
 час зашмарити всі звяды и споры, котры ве-  
 де ся часто о дурниці и взяти ся до реаль-  
 ной работы.

Таком роботом єст закладанє читальнь им.  
 Мих. Качковского по тих селах, где такой чи-  
 тальні ище ніт и веденє тих читальнь так,  
 штобы они были живы, штобы люды ходили  
 до них, читали там позиточны книжки и га-  
 зеты, штобы молодеж организовала при них  
 розмаиты, статутом предвиджены спорты и  
 просвітны кружки и штобы кличи тих чита-  
 лень: „моли ся, учи ся, трезви ся и труди ся”  
 были не лем на папері, але штобы они вры-  
 ли ся глибоко в сердца всіх селян.

—:—

**Конец шкодливым картелям.**

На засіданю межеминистерияльной коми-  
 сии цін под председательством вицеминистра  
 А. Росе передыскутовано в тих днях справу,  
 як отнесе ся правительство до картелей.

Комисия поділят вполні становиско Ми-  
 нистерства промысла и торговли, же діятель-  
 ность многих картелей єст для господарчого  
 житя шкодлива. С точки зрїня правитель-  
 ственной политики цін, картелі тоты мусят  
 быти розвязаны, штобы не тамовати темпа го-

сподарчого житя и назначаючой ся поправки.

Внесеня о розвязанє многих картелей ма-  
 ют быти предложены министрови промысла и  
 торговли в двох найблизших тыжднях.

Одновременно ведены сут баданя тих всіх  
 чинников, котры поза надмірном картелиза-  
 циом, выкликують повышенє цін о характе-  
 рі спекуляцином. В той области сут приго-  
 товлены остры зарядженя, маючи на цілі про-  
 тивдїйствовати спекуляци.

**Мала коалиция роспадат ся.**

В минувшом тыждні отбыли ся в столи-  
 ці Югославии, Білграді нарады министров  
 заграничных справ трох держав, творячих так  
 звану „малу ентенту”, або малу коалицию, т.  
 є. Румунии, Чехословакии и Югославии.

Головным предметом нарад был плян,  
 приготовлений через чехословацкого презы-  
 дента Бенеша, относительно, забезпеченя гра-  
 ниц Чехословакии. Плян тот, одобренный фран-

цузским правительством, предвиджал звязанє  
 ся малой коалиции новым договором, котрый  
 бы гварантовал всі границы, а не лем грани-  
 цю с Венгриом, як то было до тепер.

Плянови тому спротивила ся Югославия  
 и Румуния. Факт тот означат розспряженє у-  
 злов меже державами малой коалиции.

В тих днях, уж по тих нарадах, презы-  
 дент Чехословакии Бенеш выїхал с урядовом  
 визытом до Югославии. Видно хоче он рато-  
 вати загроженє положенє.

**Англия перезначила на во-  
 оруженє 400 мил. фунтов.**

Англицке правительство внесло проект  
 закона о позичці на цілі державной оборо-  
 ны в высоті 400 милионов фунтов штерлин-  
 гов. Сума тота має быти змобилизована в 5-ох  
 роках. Крім того Англия в нормальном буд-  
 жеті має перезначену на войско суму 200 ми-  
 лионов фунтов рочно, што дав разом через пят  
 літ суму 1.400 милионов фунтов.

Так высокы сумы на цілі вооруженя пер-  
 значат Англия протю, бо переконала ся в ча-  
 сі италянско-абисынской войны, же слаба  
 армия, нужденна авияция и перестаріла фльо-  
 та брытійска не настрашат никого. Найзаго-  
 рільши сторонники Лиги Народов мусли  
 прийти до заключеня, же так для власной о-  
 бороны, як и для охороны світа перед войном  
 Англия мусят быти сильна.

Величезны вооруженя Німеччины переко-  
 нали Англию, же англичы мусят быти также  
 сильно вооружены, штобы отобрати охоту ко-  
 му нібудь зарызыковати войну. Англия са-  
 ма николи не пре до войны и каждый англик  
 воліл бы все, штобы гроши, перезначаны на  
 арматы, были обертаны на инши цілі, волит  
 он масло як арматы, але тепер знає, же лем  
 добры арматы могут охоронити світ перед вой-  
 ном.

Протю тыж каждый, кто багне спокою,  
 може ся лем тішити с теперішного вооруже-  
 ния Англии, котре переводит ся не для выкли-  
 каня, а для недопущеня до войны.

**Четверо люда убито на спаню.** В повіті  
 торунском пополнено страшне убийство в ці-  
 лях грабежа. Невыкрыты до тепер бандыты  
 вдерли ся до хаты Катарины Рычковской и  
 замордовали сокрырами ю саму, ей сестру Ма-  
 рию, служащу и работника.

Рано найдено всіх четверо с розрубаныма  
 головами. Полиция не усталила ище, што зра-  
 бовали бандыты, ани не натрафила на их  
 слід.

**На світову выставу выберат ся 30.000 лю-  
 дей с Варшавы.** В маю т. р. открывають в Па-  
 рыжі світову выставу. На тоту выставу выбо-  
 рат ся барз дуже людей с Польци. С самой  
 Варшавы згледосило ся до тепер 30.000 людей,  
 котры хотят выїхати до Парыжа.



## НОВЫ АРЕСТЫ В СОВІТАХ.

В минушом році, в осени заскочили цілий світ кривавы московскы процессы. Але того, што діє ся в Совітах тепер, єст ище чудачнійше и меньше понятне. Отбудут ся там процессы меньше сподіваны, бо ктож недавно ище мог сподівати ся, же права рука Сталина, безжалостный гнобитель всіх врагов революції, могучий комисар внутренних діл и начальник політичной совітской поліції Г. П. У., ославлений Ягода поділит судьбу своих несчастных жертв и засяде на лаві оскаржених.

А однак тотя нежданность єст тепер фактом и Ягуду арестовано и отдано судовым властям. Бєсідуют, же Сталин зашмарят єму, же слабо гнобил сторонников Троцкого, — а Сталин тепер хотіл бы их знищити всіх до одного.

Кромі того приходят с Совітов и други сенсацийны вїсти, а имено, же зачала ся в Росии борба с троцкистами в рядах червеной арміи.

Тайна совітска поліція нищит тепер до кореня два заговори офіцерскы — выкрыты, оден в Ленинграді, а другый в Києві. До

### Як живут в Владивостоці.

„Слово” описує житє в Совітах. Меже иншим пише „Слово”, же в Владивостоці всі церкви закрыты и населене молит ся по домах, где запрашают священников. Власти переслідуют такы тайны богослуженя, але того нич не помагат, бо люды продолжают выполнять всі религийны обряды.

Владивосток виглядат як мертве місто. Видно там на улицах лем вояков и членов Г. П. У., а населеня, здає ся, нїт совсем. Лем рідко можна видіти несмілы фигуры нужденно одітых людей. В порті робят слабо откормленны роботники, котры тяжкым трудом зарабатуют на фалаток хліба.

Найпільніше живе ся т. зв. „лишенцам”, они выполняют найтяжшу роботу и на ноч иду до домов заключения. Біжати не можна, бо за того же кара смерти. Чужих газет там не можна читати, бо власти боят ся, штобы населене не довідало ся, як люды живут в других краях.

заговора належали переважно молоды офицеры, котры симпатывовали с троцкистами. Втягнули они до заговора подофицеров и вояков. Дошло до того, же в гдеяких отрядах явно осуждено найвысше военне начальство и самого Сталина.

Тепер тайна поліція арестує на право и на ліво офицеров с тых двох округов, штобы выловити всіх заговорчиков.

Але и на том не конец той комунистичной погоні за виновниками. Нарочна штабова комиссия оскаржат тяжкый промысел о того, же панує в нем нелад и недбалство. Ворошилов мал зажадати, штобы комисара тяжкого промысла, Кагановича отдати под суд.

С того всього видно, же в Совітах може ище случити ся, неодно таке, што зачудує цілий світ.

### В совітах штоси псує.

„Правда” пише, же головном задачом теперешного момента являют ся борба с правыми и лівыми оппозиционерами. А вмїсто той борбы руководителі трестов и предприятий занимают ся лем справами господарчого характера. В случаях катастрофы глядуют они лем техничных причин, а не тых людей, котры катастрофу выкликали.

Тото донесєне дає основы до припускания, же число оппозиции єст так велике, же каждая катастрофа єст ділом их рук. Если так было бы на правду, то теперешный порядок в совітской Росии єст сильно захвіяный.

### Занедбанє весняных работ в Полуд. Росии.

„Правда” подає, же в том році идут весняны работы барз поволи. В прошлом році до 15-го марта засіяно в полудневой Росии 4 милионы гектаров грунту ярим зерном, а в том році лем 734 тысячи гектаров. Таке опозданє с засівами не даст ся оправдати планом погодом або поздном весной. Ту мусит ся признати, же причиною того єст проспанє весняного сіву через руководителей партийных и совітских организаций. В многих районах бракує трактористов, а также частей тракторов.

## С войны испанской.

На головном фронті под Мадрытом нич ся не змінило. Так само нїт змін и на полудневом фронті. Ту и там одны або други посунут ся вперед, або цофнут ся кус назад — то цілий результат послідного тыждня.

Зато на меньше важном фронті полнотном повстанцы припустили атаку и посувають ся вперед. Ту, в гористой надморской краині Басков утворило ся отдільне правительство баскийске, жиюче в згоді с правительством мадритским, котре боронит своего краю перед повстанцами. Баскийцы скористали с домашной войны, отлучили ся от Испании и хотят удержати отрубну державу баскийску.

Тепер ген. Моля начал бои на цілом баскийском фронті. Повстанцы посунули ся в килькох місцах вперед и опановали верхи гор баскийских, меже иншими найвысшу гору Гербеа, високу на 1.500 метров. Разом с сухопутными войсками, повстанчы кораблі припустили от моря атаку на баскийкы побережья и острілюют пристани.

### Безбожництво в Испании.

Из Бургоса доносят, же в Каводонгском Соборі безбожники - коммунисты заложили клуб.

В часі открытя клуба, осквернено статую Божой Матери. Газета „Журналь” поміщат оповіданє одного француза - добровольца, котрый біжал с Испании. Доброволец тот оповідат, же раз розмістили их в монастырі. Дров не было и они хотили вырубати пару дерев в саді. Але комисар приказал им зрубати на паливо прекрасно різблений деревянный оltар.

Того самого дня оглянули добровольцы монастырскый сад. Там было невеличке кладбище. Могылы были роскопаны, а тіла засохших монахынь вышмарено с гробов до болота. Добровольцы были тым видом сильно переняты и они выкопали для тых давно умерших тіл нову могылу.

Такы и тым подобны случаи зробили то-то, же он и други, котры добровольно приїхали до Испании, штобы боронити правительства, думали тепер лем о том, як бы вырвати ся с Испании.

о. Д. В.

## Исторично-археологична справка о Литургии Преждеосвященных Даров.

Познати историю своего народа, героичны подвиги предков, бывальщину своих отцов, то рѣчь не только взнесла и благородна, але и над все полезна. Знаючий свою національную минушность, ушанує и сам себе и свое национальное имя; он гордится буде тым именем, не буде его переименовати, як сын не переименує, а гордит ся родовым назвиеком своего няня (отца) — ради чужого ворожого империализма он за нич в свѣтѣ не вырече ся своего национального имени, бо он николи не пойде на то, штобы торговати бывальщиною и честію своих предков.

Як в национальном отношении история народна єст подвалиною национального розвою и преуспѣванія, так в духовном взглядѣ вѣра св. и богопочитанье, их засады и история єст основой морального укрѣпленія вѣрующих душ и поступу в их духовном житію.

С вѣрою лучит ся тѣсно обряд т. е. правила, через захованье котрых, маем отдавати

Богу належну Ему честь. У нас обряд єст еще тым важным, що с ним лучит ся и наша национальна отрубность: — що через только сотни лѣт нашего поневоления мы заховали нашу руску национальность — маем в великой мѣрѣ до завдяченя нашему св. восточному обрядкови, инакше было бы с нас и слѣду — уже не осталось.

Бачимо то и нынѣ, як вороги наши, той так досконалый, св. Отцами уложеный наш восточный обряд иѣбыто поправляют, а властиво его выкрывляют. Всѣ, котры такую роботу ведут, суть наши вороги. Их праця стремит до одной цѣли т. е. заклады нашей русской национальности.

Подчас, коли знанія засад нашей св. вѣры, можемо в достаточной мѣрѣ набыти в дома, в церкви, в сельской школѣ, обрядове знанье треба богато нам самым дополняти, бо ни родительскій дом, ни церковь, ни школа не єст по большой части в возможности, обрядовы

справы, головно с точки их истории и археологии, докладнѣйше нам предложити, бо различни чинники стаєт тому на перешкодѣ.

Коротки справки на тоту тему на ламах „Лемка” нехай будут для вас, Любезны Друзья, тєю нагодою, бодай в возможных границах гдєщо докладнѣйше познати, як величный єст той наш св. обряд, як славну и далеку за собою має он свою минушность — як мы, наслѣдники по славных отцах повинни тот наш восточный св. обряд любити и ним дорожити, як дорожимо нашим житьем и наибольшим земским счастьем.

По том вступѣ приступим до властивой нашей нынѣшней темы о Литургии Преждеосвященных Даров — котра тепер в часѣ св. Вел. Поста, служит ся по наших св. храмах в каждую среду и пятницу и котру наш народ так особенно любит и на ней радо и с особенным умилєніем и сокрушеніем сердца присутствует.

Кто был на той Литургии, мог легко смірковати, що она ничанает ся як вечерня — потом приходит на ней, плѣняюча побожны чувства вѣрующого християнина, иѣсьнь „Да испраит ся молитва моя”. — По иѣсьни „Свѣ-



## ДБАЙМЕ О ЧИСТОТУ КОРОВ.

Польща, то край о барз низкой молочности коров. Пересічно корова дає у нас немого понад 1.000 литров молока рочно, коли корова в Голандии дає рочно 4—5 тысяч литров. Ніч дивного, же коровы дають там значно векши доходы, як у нас.

Если бы мы однак через добре кормлене допрывадили до того, же коровы у нас давали бы веце молока, то повстало бы нове пытанє, што с тым молоком зроби́ти. Знанє єст, же молоко находит ся у нас переважно под двома видами: яко молоко и яко масло. Ци можеме быти певны, же найдеме спрос на веце молока и масла як дотепер? На то пытанє можеме сміло отвітити: так, але лем втотчас, если молочны выробы будут лучши, як дотепер.

Так молоко як и масло сут то кормовы продукты высокої вартости, поручаны через лікарей, особенно для дітей. Помимо того Польща, если иде о консумцию молока и масла, хоц єст краєм рольничим, занимає одно с послідных місц серед западно-европейских народов. Молока и масла ідять у нас люды значно меньше, як населенє промысловых краєв, хоц здавало бы ся, же повинно быти противно. Причином того єст злий сорт молока и масла. Часто то, што приносят бабы до міста на торг, єст лем с барвы подобне до молока, але не припоминаєт молока ани смаком, ани запахом. Ніч дивного, же таке окрещене водом и часто брудне молоко, не має по купу.

Не лучше єст и масло, котре на другий або третій день треба оддати до кухні, бо ся старіє. На заграничных рынках наше масло має барз планну марку. Прото ціна его єст низка и никто не пы́тат ся за ним, бо зараница привыкла до доброго товару.

Штобы то змінити, на то єст лем одна рада. Треба конечно перестерігати в оборах, где стоят коровы, образцову чистоту. Воздух в оборах повинен быти чистый, стіны и повалы обметены все с поро́ху и паутины и от часу до часу побілены вапном, коровы чисто вычесаны и вымыты.

Кромі того перед доинем треба вымыти чисто руки (теплом водом и мылом), вымыти добре икру коров и вытерти чистом шматком

и доити до чистых дойников. Коли то то все зробиме, поправит ся напевно молоко наших коров и найде все охотного отберателя.

Зачати треба от стайні и чищення коров. Если чищенє коня уважаєме за користне, то єст оно потребне и для коровы. Звірята не повинны быти обліплєны навозом. Щотка и греблица сут корові так само потребны, як и конєви. Если щотком не можна зняти бруд, то треба его змыти водом.

Чищенє коровы вилыват добре на єй здравє, бо усуваме со скоры бруд и порилі и понукуєме скору до отвітного дійствия. Если гзда привыкне до чищення коров, то постєпенно заведе он порядок и чистоту также и в хаті. А втотчас поправят ся также молочны продукты и найдут покупателя.

### Ціны мяса в новосандецком повіті.

На основі уповажнення Пана Воеводы Краковского с дня 14. XII. 1935 (Дн. Воев. Нр. 29, поз. 158) и по выслуханю опинии Пов. Комисии цінникової Пан Староста Новосандецкий усталил ниже поданы ціны мяса. Ціны тоты обовязуют от 10. квітня т. р.

На терені новосандецкого повіта:

мясо волове	0.90 зл.
мясо волове с убоя ритуального	1.10 зл.

В Мушині и Крыниці:

мясо волове	1.— зл.
мясо волове с убоя ритуального	1.20 зл.

Тоты, котры жадали бы, або побєрали высши ціны, будут караны по мысли зарядж. През. Р. П. с дня 31. III. 1926 (Дн. З. Р. П. Нр. 91, поз. 527) грошєвом каром до 3.000 злотых, або арєстом до 6-тыжднеї, або обома карами лучно.

### Що треба істи.

Переглядаючи спис страв, уложеный через д-ра Р. Чарноцкого, дає ся спостеречи, же найпоживнійшим кормом єст хліб, кашы, мучны стравы и картоплі, бо они дають дуже тепла (кальорий) и сут дешєвы.

Лікар тот поручат істи аж и сам хліб и омасту, або хліб и картоплі. Ведля него має быти добрый хліб, натертый зверха цыбульом и покритый тонькыма качальцами моркви.

А що перши християне каждого дня, а що найменше 4 разов в тыждни, як пише св. Василій, приступали до св. Причастія, не хотїли тым больше в часє св. Вел. Поста лишати ся того св. душевного корма, длятого через все дни св. Вел. Поста (кромє субот и недєль, в котры то дни мякнул пост и служила ся полна св. Литургия) собирали ся под вечер на означеных мєсяцях, где и служило ся окреме вечерне богослужєніє, получєне с причастієм св. Даров, еще в недєлю освященых и тут єсть зачаток св. Литургии Пржедєосвц.

Коли поздїйше ревность християн ослабєла, почато служити тоту св. Литургию только в среды и пятницы и перши 3 дни страстного тыждня св. Вел. Поста, що и удержує ся до нынє.

Так отже от первых времен християнства была в уживаню св. Литургия Пржедєосвц. Яки обряды, пєсни и псалмы в часє той первєсной Литургии были читаны, того близше не знаємо, бо в тых часах богослужєніє отбывалось с полною свободою що до выбору молитв и псалмов.

В такой формє, як нынє служит ся, остала впрываджена св. Литургия Пржедєосвц, по-

Картоплі радит он варити в луках, бо прискрептаню зрізує ся верхну часть, в котрой єст дуже минеральных солей.

Здравє наше — пише д-р. Чарноцкий — зависит от отвітного кормленя: істи только, килько потреба до покритя житевых втрат организма, істи поволы и грызти стравы як наилучше. С корму зле погрызеного организм не може забрати всеї кормовых частей и втраты могут выносити нераз 30% кормовой вартости страв.

### КОМУНИКАТ.

В Дневнику Законов Р. П. Нр. 17 с дня 10. марта 1937. поз. 115, появило ся зарядженє Министра Почт и Телеграфов с дня 26. II. 1937., выданє в порозумленю с Министрами: Коммуникации и Справ Внутренних о способі поступаня при повідомленю в дорозі телеграфичной, або телефоничной о случаях катастроф, элементарных бід и рабунковых нападєв.

По мысли того зарядженя в случаях пожаров, эпидемии, рабунковых нападєв, катастроф, несчастных случаев летничих и примосовых приземлень, а также в случаях инших несчастий споводованых элементарными событиями або в случаях угрозы их повстаня — уряды почтовы (агенции) сут обовязаны перєслати **бєсплатно** телеграм або перевести телефоничну розмову, звернену в тых справах о помоч до органов публичного бєзпечєнства и других властивых властей (Комисариятов и Постерунков Д. П., Комисариятов Граничной Сторожи, Староств и других урядов и властей, або пожарных сторожей).

Телеграмы такы и телефоничны розмовы носят назву алярмовых и сут означаны буквами: А. Д. П.

До наданя алярмового телеграму, або перєведєня телефоничной розмовы алярмовой єст **управнена каждая особа**. Тота особа єст обовязана подати почтовому урядови (агенции) свое имя, назвиско и точный адрес, а на жаданє почтового уряду (агенции) вылегитымовати ся.

В виду того, же каждый человек може **бєсплатно** перєслати телеграм або перєпрывадити розмову телефоничну в справах выже описаных, зарядженє то то має велике значєніє для населєня.

становленіями VI. Собора вселєнского — Трулянского. „Не подобает — казали св. Отцы того собора — в часє св. Вел. Поста, приносити св. хліб як только в субботу и в день Господєн (т. є. в недєлю), бо не можна в той сам час сумовати и радовати ся, а тым больше в дни призначєны для плача о своих грєхах“. А приносити жертву, то значит торжєствовати, а торжєствовати значит веселити ся, як толкує ученый Валзамон.

История розказує нам, що в глубоку старину, был у християн звычай, посылати через діяконов св. Дары тым, котры задля отлєглости мєсяца, або инших причин, не могли сами быти присутны на св. Литургии; а нераз св. Дары относились доперва на другий день и вєрны ними причащались.

Отже был в церкви звычай, що вєрны причащались св. Дарами пржедєосвященными — посвєдчає то св. Климент Александр, и инши св. Отцы Церкви. Но еще значно перєд Собором VI. вселєнским св. Литургия Пржедєосвц, в такой майже формє як она нынє служит ся, совершалась на востоцє, а и на западє в церквах галійских, испанєких, а и римской. (Продолженє в слїд. числї).

те тихий” и I. чтєнію (Параміи) священник благословит от престола людей трисвєщею с кадильницею — потом слєдует торжєственный великий вход с Найсв. Дарами, а послєдну часть становит св. Причастіє и Отпуст.

Нема на той Литургии самого освященія Даров, а послугуєм ся при ней св. Дарами, еще в попередну недєлю освященными, от чего и Литургия тая носит назву „Пржедєосвященных Даров“. — Только в означєны дни св. Вел. Поста служит ся тот св. Литургия, а поза тым через цєлий церковный рок — єй нєт. Єсть в том, Любезни Друзя, важна и основна причина, сягаюча еще первых часов християнства.

Первы християне отличались так горячою побожностью и ревностью, що в часє св. Вел. Поста отказовали собє не только во всяких житевых увєселєнїях, але и полную св. Литургию (Службу Божу), при которой первы християне перенимались чувством великой радости о Христє Спаситєлю, и котору называли они Пасхою (бо присутствовали на ней с такою радостью, як при торжєстєє Пасхи) не уважали они за отвітну до строгости поста.



## Що чути в світі.

**Цікавий тестамент.** Італійські газети розписують ся широко о случаю, який мал місце в окрестности Палермо.

В одном малом містечку росошла ся вість, же умерат богатый купец Данели. Данели был знаний со своей злостливости и с того, же не принимал до себе никого со своей родини. Родину называл круками, котры ждуть лем на его смерть, штобы захарабчити маєток.

Одиноком существом, котре мало приступ до того чудака, была его служаша, бідна сирота Марія, котра заступала ему дочку, ходила коло него и опековала ся ним. Прото тыж родина была о ню завистна и бояла ся, же Данели оставит ей свой маєток.

Колі вість о близкой смерти богача росошла ся по окрестности, збігла ся со всіх стран родина и помимо опору со стороны умеряющего, вдерла ся до его хаты и почала его просити, штобы списал тестамент.

Старец заупрявил ся и не хотіл нич написати. Аж перед смертю сказал:

— Родині записую мой дом, а Марии отдаю граты, які сут в хаті.

Родина утішила ся, а плачуча Марія забрала пару горнят, стару мітлу и дровняны кухонны кресла. Не долго однак тырвала радость родных, бо дом был так задолженный, же по продажі нич им не остало. Марию также ждала неожиданность, бо коли продавала гандляреви граты, посыпали ся со старой мітлы, котра мала в середині дыру, гроши. Было их дуже, бо 5 миллионов лиров (два и пол миллиона золотых).

Старый Данели не был не благодарным. Он зажартовал собі перед смертю с родини, а Марии дал цілый маєток.

**Тыждень сам на сам с трупом.** В Черновцах (Румунія) полиция зробила странне открыте. В хаті при ул. Румунской жила польска родина Халунов. Недавно Халуна выіхал с хаты и пропал без вісти. Жена его Анна занедужала. При хворой остала лем ей сестряница, 18-літна дівчина. От долшого часу сусіды Халунов спостерегли, же с помешканя Халунов никто не выходит, ани не отвічат на их стукане. При помочи слесара выважено двери. На постели лежало роскладаюче ся тіло вмерлой жены Халуны, а коло него лежала неспритомна дівчина. Полиция ствердила, же Анна Халуна умерла ище перед тыжднем. Через цілый тот час лежала с трупом дівчина, котра от голода не могла звлечи ся с постели.

**Человік - малпа.** В афрыканской пуци открыли миссионеры недавно новый, незнаний до тепер щеп дикых людей, котры ходят на руках и ногах так як малпы. Люди тоты жиють переважно на деревах и живят ся овочами.

**Нова летнича ления.** Дня 5. квітня отлетіл с Варшавы перший раз самолет до Палестыны. Дорога с Варшавы до Палестыны (Тель Авив) выносит 3 тысячы 200 кильометров. От тепер буде стала воздушна комуниация меже Польщом и Палестыном.

**Ягода торговал валютами.** С Москвы доносят, же Ягду арестовано за розмаиты шахеркы, які робил он с трома греками, якіх добрал собі до компании. Греки тоты росізджали по цілом світі, где жили эмигранты с

Росии и куповали за пол дармо советскы рублі, котры за границами не маот жадной вартости, бо Советы не позволяють своих рублей до Росии ввозити. Таки закуплены рублі ввозили греки до Росии и там куповали за них брылланты, котры вывозили зас до чужих краев.

Кромі того занимали ся они гляданем законаных в часі войны богатств, уккрытых через эмигрантов, котры в часі революции убіжали с Росии. Греки и их агенты навязали контакт с эмигрантами, прирекаючи им половину богатств за подане місца, где их законано. Початково греки выплачали належачу ся эмигрантам часть, штобы заохотити других до выявленя місца уккрытых богатств, але погодивше компании Ягоды заберали ціле богатство для себе.

Кромі тых преступлень криминальных, пополняных через Ягду и его компанов греков, має Ягода на совісти также ряд политычных преступлень, котры однак сут держаны в тайні и довідаме ся о них аж в часі процесу.

## Вісти с краю.

**Выбух запальника от гранату.** Уж 20 літ минат от оконченя світовой войны, а ище все трафяют ся случаи с невыстріленыма запальниками гранатов и других куль.

Дня 31. марта по полудни трох хлопцов нашло коло села Оссова Гора в пов. быдгощском запальник от гранату. Хлопцы почали майстровати коло запальника и запальник сорвало. 14-літний Альфонс Еленецкий и 16-літний Ст. Масяк упали тяжко поранены, а третій хлопец Грегорович, котрому нич ся не стало, убіжал до хаты и не сказал никому о случаю. Раненых нашол случайно лісничий, котрый завозвал лікарску помоч. Хлопцы сут однак так тяжко поранены, же не знати, ци выйдут с того.

**Псы загрызли на смерть дітину.** В селі Александрово под Радзымином дворовы псы загрызли на смерть 8-літну дівчину, котра вертала сама от своей бабы с Радзымина. Недалеко двору, належачого до Марии Домбровской в Александрові, пшарили ся на ню два великы псы. На крик дівчины надбіжали сусіды, але застали уж лем роздерте на фалат-

кы тіло неживой дівчины. Властительку двору потягнуно до судовой отвітственности.

**Два роки тримал сына в стайні.** В селі Смыков, повіт Домброва, выявлено незвычайну трагедию, котрой жертвом ест 41-літний Ян Корус. Отец его, 73-літний Адам, по повороті сына с войны, спостерег у него обявы умственной хвороты. Лакомый отец, хотячи захарабчити 2 моргы ґрунту, які належали до сына по его матері, замкнул го в стайні, забиваючи вход досками. Выродный отец не давал сынови ани біля, ани отвітного корму, в послідствие чого сын попал в полну апатию и утратил мову. Факт тот выявили сусіды и полиция внесла на нелюдского отца донесене до прокуратории.

**Вывезли до поля и розбили громадску касу.** Незнаны злодіи вдерли ся до громадского уряду в Болеславлі, повіт Домброва, и вынесли до поля громадску касу. Касу тоту в поли розбили, забераючи с ней 1.265 зл. Полиция не выкрыла до тепер злодіев.

**Убийца згынул в борбі с полициом.** В одном селі яновского повіта пополнено кырвавый злочин.

Михаил Тылюс 25-літний господар с Аннова хотіл ся оженити с богатом и барз красном дівчином с сусідного села. Отец дівчини не хотіл выдати ю за Тылюса и дівчина перестала ся с ним встрічати, а наконец заявила ему, же не выйде за него замуж.

Тылюс постановил ся помстити и коли раз надыбал дівчину и ей отца на дорозі, застрілил их обое. За преступником, котрый утек до ліса, зарядила полиция погоню. Як полициянты выкрыли его хованку, Тылюс почал до них стріляти. Вывязала ся стрілянина, в часі котрой Тылюса застрілено. Один полициянт был легко раненый.

**Пожар іхал в ночи дорогом.** Один селянин іхал возом в ночи до Варшавы. По дорозі закурил цыгаретку, при котрой задрімал. Цыгаретка выпала с рук и упала на солому в возі. Солома запалила ся и поломінь обняла цілый воз и спячого хлопа. Такой посуваючий ся по дорозі пожар пошарил сильно хлопа, котрого перевезено до шпиталя в Варшаві.

**КУПЛЮ ВЕЛИКУ ИЛЮСТРОВАНУ БИБЛИЮ  
О. МАЩАКА.**

Адресовати до администрации „Лемка”  
Крыница.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ  
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

**заасекурує ся  
в асекураційном Товаристві  
ВИТА И КРАКОВСКЕ  
во Львові**

Асекурацію принимают на цілой Лемковщині  
представителі: гг. Осиф Ямовицкий — Крыница - Село  
и Михаил Перелом — Сянок.